

Nos Antepasadonan...

mgr. Antonius van der Veen - Zeppenfeldt

Sigur bo a jega di tende di Monseigneur Antoninus van der Veen - Zeppenfeldt, Obispo di Willemstad. Su berdadero nomber tabata Jacob Lewis Thielen van der Veen - Zeppenfeldt. E tabata e prome Arubianocu a bira pader y despues e prome Obispo Antiyano.

El a nace na Aruba dia 11 di October 1891. Tur dos mayornan tabata Arubiano. Su famia tabata grandi, di cual varios tabata biba na Corsow. Un ruman di dje tabata abogado y un omo, Bernhard Evert van der Veen - Zeppenfeldt, tabata maestro y despues a bira Hypotheekbewaarder y miembro di Koloniale Raad. E caya na San Nicolas ta wordo jamá pa e omo aki di monseigneur.

Nobo-nobo cu Jacob Lewis Thielen van der Veen - Zeppenfeldt a bira pader, el a bin traha na parokia di Sta. Cruz na Aruba. Rond di 1928 el a wordo traslada pa Playa. Despues el a bai Corsow na parokia di Montaña.

E tabata un pader masha streng y corecto. E no tabata permiti e damanan bin misa of confesa ni ricibi si e blusa o shimis tabata sin manga. E tabata manda nan cas bai troca paña, hasta su mes subrinanan. "Ley pa un, ley pa tur" tabata su lema. Tambe e tabata scirbi bunita poesia y canticanan di misa, e.o.: 'Hesus den Sacramento' y Hesus mi no sabi ki mas'.

Dia 26 di november 1948 el a wordo consagrá como Vicario Apostólico pa e obispado Willemstad. Dia 8 di september 1949 el a bolbe su isla natal como Obispo pa bendicioná e misa nobo na Paradera. Tres aña despues - 25 di mei 1952 - el a bin Aruba atrobe, e biaha aki pa bendicioná e capilla di Alto Vista (*por aprecia e momento den e potret*). Dia 4 di juli 1957 Monseigneur Zeppenfeldt a fayece na edad di 65 aña y el a wordo derá na Corsow den santana na Rodeweg...



Bo yiu merece e miho.....

Cada **little tikes** cu nos bende, na **Mareve**, nos ta duna bo **100% di garantia**. Si algo kibra of dañá nos lo remplase completamente **GRATIS***



TOYS



Fergusonstraat 42-A
Tel. 825393

* mester ta compra na Mareve Toys & Gifts

Chabalito



Number 3 - Año IV
November, 2001 - Afl. 2,=

